

Рамазондан фойдаланиб қолайлик!



11:28 / 11.04.2021 2744

لَا اِقْمَلَسُوْهُ يَلْعَلْ لَلِصَّيْبِ نَلَا نَعُوْهُ لَلِضَّرَّةِ رِيْبًا نَّحْتَفُتْ هَمَّ اِيْصُومُ كَيْلَعْلَجْ وَرَعُوْهُ لَلِصَّرَفِ كِرَابُْمُ رَهْشُ نَا ضَمَّرُ مَكَا تَا
وَدَّرَمَ هِيْفُ لَغْتَا وَ اِمِّي حَجَّ لَلِ اِبْوَابَا هِيْفُ قُلْعُتَا وَاَمَّ سَلَا اِبْوَابَا هِيْفُ
مُرْحُ دَقْفُ اَهْرِيْحُ مَرْحُ نَمْرَهْ شَفَلَا نَمْرِيْحُ اَلَيْلِ هِيْفُ لَلِ نِيْطَا اِيْشَلَا
يِقْوَهْ يَبْلَاوُ اِيْئَا سَنَلَا اَوْرُ

Абу Ҳурайра розияллоҳу анхудан ривоят қилинади:

«Набий соллаллоҳу алайҳи васаллам:

«Сизга муборак Рамазон ойи келди. Аллоҳ аzza ва жалла сизга унинг рўзасини тутмоқни фарз қилди. Унда осмонларнинг эшиклари очилур. Унда жаҳаннамнинг эшиклари ёпилур. Унда ўзбошимча шайтонлар кишанланур. Унда Аллоҳнинг бир кечаси бўлиб, у минг кечадан яхшидир. Ким у кечанинг яхшилигидан маҳрум бўлса, батаҳқиқ, маҳрум бўлибди», дедилар».

Насайй ва Байҳақий ривоят қилганлар.

1. Рамазон ойи муборак ой эканлиги.

Бошқа ойларнинг бирортаси бу сифат ила васф қилинмаган. Рамазон ойи йилнинг ўн икки ойи ичида энг афзали, энг баракалиси, энг улуғидир. У ўн икки ойнинг султонидир.

2. Аллоҳ таоло мусулмонларга Рамазон ойи рўзасини фарз қилганлиги.

Ушбу ҳадиси бу бобда келтиришдан мақсад ҳам мана шу ҳукми, яъни Рамазон ойининг рўзасини тутиш ҳар бир бандага Аллоҳ томонидан жорий этилган фарз эканлигини маълум қилмоқдир.

3. «Унда осмонларнинг эшиклари очилур».

Ўша эшиклардан Аллоҳнинг раҳмати, хайр-барака ёғилур. Раҳмат фаришталари тушур. Бандаларнинг тутган рўзалари, қилган яхши амалларининг савоблари чандон-чандон кўпайиб, осмонга кўтарилур.

4. «Унда жаҳаннамнинг эшиклари ёпилур».

Ўша муборак ойнинг ҳурматидан жаҳаннам эшиклари ёпилиб, унга кириш вақтинча кечга сурилур. Кишиларга Аллоҳнинг раҳмати бўлиб, уларга яхши имконлар яратиб берилур. Рўза тутиб, ибодат қилган кишилар жаҳаннамдан қутулур.

5. «Унда ўзбошимча шайтонлар кишанланур».

Рамазон ойи шарафидан ўзбошимча шайтонлар кишанланиб, рўза тутган мўминларни васваса ва иғво қила олмай қолишади. Рўзадорлар хайрли ишлари ва ибодатларини бемалол қиладилар.

6. «Унда Аллоҳнинг бир кечаси бўлиб, у минг кечадан яхшидир».

Бу кеча Қадр кечасидир. Ундаги ибодат – яхшиликларга бериладиган савоб ва хайр-баракалар шу даражада кўпдир. Ким ўша муборак кечани уйқу билан, беҳуда ўтказса, барча яхшиликлардан маҳрум бўлибди.

Эй дўстим, ҳаётимизда ушбу ҳадиси шарифга амал қилишни бошлашимиз, муборак Рамазон ойидан тўла фойдаланишга ўрганишимиз лозим. Рамазони шариф кунларини рўзадор, тунларини бедор бўлиб, ибодат ила ўтказишимиз керак. Қадр кечасини ҳам беҳуда ўтмаслигига ҳаракат қилайлик!

«Ҳадис ва ҳаёт» китоби асосида тайёрланди